

31. oktober 2008

UKA2008/98

**Meeqqanut suli atualinngitsunut perorsaanikkut inerikkiartuutaasunik  
ulluunerani neqerooruteqartarneq pillugu Inatsisartut peqqussutissaattut  
siunnersuut**

**pillugu**

**Inatsisartut Kultureqarnermut Ilinniartitaanermullu Ataatsimiititaliaata**

### **ISUMALIUTISSIISSUTAA**

**Siunnersuutip aappassaaneerpeqarnerani saqqummiunneqartoq**

Inatsisartut Kultureqarnermut, Ilinniartitaanermut Ilageeqarnermullu  
Ataatsimiititaliaat suliarinninnermini ukuninnga inuttaqarpoq:

Inatsisartunut Ilaasortaq Kristian Jeremiassen, Atassut, siulittaasoq  
Inatsisartunut Ilaasortaq Emilie Olsen, Atassut  
Inatsisartunut Ilaasortaq Per Rosing-Petersen, Siumut, siulittaasup tullia  
Inatsisartunut Ilaasortaq Aleqa Hammond, Siumut  
Inatsisartunut Ilaasortaq Juliane Henningsen, Inuit Ataqtigiit  
Inatsisartunut Ilaasortaq Kuupik Kleist, Inuit Ataqtigiit  
Inatsisartunut Ilaasortaq Olga Berthelsen, Inuit Ataqtigiit

UKA 2008-mi siullermeerinerup kingorna Inatsisartut Kultureqarnermut  
Ilinniartitaanermut Ilageeqarnermullu Ataatsimiititaliaata siunnersuut siuliani  
taaneqartoq misissorpaa.

### **Siunnersuutip imarisaa**

Siunnersuut Naalackersuisut ataqtigiissumik ilinniartitaanermut, ineriartornermi  
ilinniartitaanermilu suliniutinut qaffasissutsini tamani pitsanngorsarnissaat  
nukittorsarneqarnissaallu eqqarsaatigalugit, anguniagaasa ilaannut kissaatitut  
isigineqassaaq. Siunnersuut suli atualinngitsunut aaqqissuusseqqinneruvoq,  
tamatumani ukioqanngitsuniit arfinilinnut ukiulinnut paarsinermiit perorsaanikkut  
inerikkiartuutaasoq immikkut isiginiarneqarluni. Meeqqanut suli atualinngitsunut  
perorsaanikkut inerikkiartuutaasunik ulluunerani neqerooruteqartarneq pillugu

Inatsisartut peqqussutaani inatsisip atuuttup annersaa Inatsisartut peqqussutissaani ataatsimoorlugu allanneqartussaammat, siunnersuut malittarisassanik pisariunnginnerulersitsisussaassaaq.

Siunnersuut kommunini meeqqanut pilersaarusiornissamik piunasaqaammik aamma imaqarpoq, perorsaanikkut ineriartortitsinermut, ilisimatusarnermut, naliliinermut uppersaasersuinernullu ingerlatsinissaq, kiisalu ulluunerani neqeroorutit aqunneqarnerannut ilusissaq nutaaq, angajoqqaat tamarmik ulluunerani neqeroorutitut oqartussaqaataalernissaannik periarfissiisoq.

## **Tusarniaaneq**

Siunnersuut piffissami 19. juunimiit 23. juulip tungaanut tusarniaassutigineqarpoq piffissallu asaanerani sulinngiffeqarnerup nalaaniinnera eqqarsaatigalugu tamanna minnerpaamik piffissaliinertut isigineqarsinnaavoq. Tusarniaanermut akissutit arlallit piffissamik iluatsitsivallaanngitsutut aamma assuarlerneqarput.

## **Siunnersuutip aningaasatigut kingunerisinnaasai**

Immikkoortoq 4-mi inatsisissatut siunnersuummi nalinginnaasumik oqaaseqaatini siunnersuutip aningaasatigut pisortanut allaffissornikkullu aqutsinermi kingunerisinnaasai nassuiaatigineqarput. Tassani 2009-mut aningaasanut inatsisissami aningaasat meeqqerivitsialammut immikkoortitsisoqarsimasoq paasissutissiissutigineqarpoq.

Aningaasanut inatsisissatut siunnersuummi nalinginnaasumik oqaaseqaatini ilinniartitaanermut sillimmatini pilersaarummi "Meeqqerivitsialammut" atugassanngortinneqarsimasut, Kultureqarnermut Ilinniartitaanermullu ataatsimiititaliamit paasineqarpoq. Aningaasalli Aningaasaqarnermut Ataatsimiititaliamit taamaallaat akuersissutigineqarpata atugassanngortinneqarsinnaapput. Inatsisissatut siunnersuutip maanna ilusimisut allannguutigissanngilaa.

Siunnersuummi § 4, imm. 3-mi perorsaanikkut-tarnip pissusaannut tunngasutigut qitiusumik inerisaavimmik pilersitsisoqarnissaanik inatsisinut oqaaseqaatini Naalackersuisut peqquneqassasut, Ataatsimiititaliamittaaq paasineqarpoq. Qitiusumik pilersitsinissamut siunnersuut inatsisissamut aalajangersakkamut oqaaseqaatit naapertorlugit Inerisaavimmit isumassarsiaavoq. Aningaasatigut allaffissornikkullu aqutsinermi kingunerisinnaasai inatsisissatut oqaaseqaatini erseqqinnerusumik nassuiarneqanngillat.

Qitiusumik pilersitsinerup sanaartornermi aningaasatigut imaluunniit ininik attartornermut aningaasartuutit kinguneqassava? Qitiusumik suliffeqarfissaq qassinik sulisoqassava qassinillu katillugit aningaasarsiaasanut aningaasartuutaaffiussava? Ukiumut ingerlatsinermut aningaasartuutissat qassiussappat? Inerisaavik 2008-mi 56,6 mio. kr.-inik aningaasaliiffigineqarpoq.

Perorsaanikkut-tarnip pissusaannut tunngasutigut qitiusumik inerisaavissaq aamma taamatut akisutigissava? Inatsisissanut oqaaseqaammi tamanna akineqanngilaq.

Nalinginnaasumik oqaaseqaatit nassuiaataasa siunertaraat inatsisissatut siunnersuutip aningaasatigut allaffissornikkullu aqutsinermi kingunerusinnaasut pillugit Inatsisartut isummernissaannut akisussaasumik tunngavississallugit. Inatsisartut inatsisissamat siunnersuummut akuerisinnginnerminni isummernissamat aamma aningaasatigut kingunerusinnaasut ilisimasariaqarpaat - aamma aningaasatigut ajornartorsiernerup nalaani – taamaattumik Naalackersuisoqarfimmi tamanna paasineqarsinnaanngippat tupigusuutigineqarsinnaavoq.

Perorsaanikkut-tarnip pissusaannut tunngasutigut qitiusumik inerisaavimmik pilersitsisoqarnissamat siunnersuummut naammaginartumik aningaasatigut allaffissornikkullu aqutsinermi nassuiaasiortoqarnissaa Naalackersuisut aappasaanerinermi akissutissaanut ilanngunneqassasoq Ataatsimiititaliamit qinnutigineqassaaq. Susassaqarfimmit sorlermit aamma aningaasat aaneqassanersut paasissutissiisutiginneqassasoq Ataatsimiititaliamit aamma kissaatigineqassaaq.

Paasissutissat taakku amigaataaneri pissutigalugit Inatsisartut inatsisissamat oqaaseqaatit unioqqutinneqassanngitsut naatsorsuutigissavaat, tassa KIIIN'ip susassaqarfiani qitiusussap pilersinniarneqarnerani aningaasaliissutigineqartut sulisussallu amerlassusissaasa iluini aningaasaliissutaareersunit ingerlanniarneqartoq.

### **Teknikkikkut amigaatigineqartut**

Siunnerssummi aalajangersakkat arlallit (§ 10, imm. 2, § 12, imm. 3, § 14, imm. 2, nr. 4 aamma § 18, imm. 1) oqaatsit "aamma/imaluunniit" imarivai, taakkulu Namminersornerullutik Oqartussat malittarisassaliornermi maleruagassaanut akerliupput. Tamatumunnga ikiorsiissutaasinaasumik pingajussaaneerinissamat allannguutissatut siunnersuummik Naalackersuisut saqqummiussissasut qinnuigineqassapput.

### **UKA 2008-mi siunnersuutip siullermeerneqarnera**

Siunnersuutip siullermeerneqarnerani siunnersuut tamakkiisumik partiinit tamanik tapersorsorneqarpoq. Meeraq qitiutillugu ilinniartitaanermut ataqatigiisumik pilersaarusiornissaq naalackersuinikkut qulakkeerniarneqarnissaa kissaatigineqartoq siammasissumik taamaalilluni isumaqatigiisutiginneqarpoq. Aammattaaq meeqqat Atuarfitsialammi aallartilluartarnissaasa qulakkeerneqarnissaat uparuarneqarpoq, tamannalu tikilluaqquneqarpoq.

### **Ataatsimiititaliap siunnersuummik suliarinninnera**

Siunnersuummut Inatsisartut peqqussutissaat nalinginnaasumillu tamatumunnga oqaaseqaatit Ataatsimiititaliamit soqutigineqarluarlutik atuarneqarput. Siunnersuut ataatsimut isigalugu Ataatsimiititaliamit pitsaasutut isigineqarpoq, suliamilu Meeqperivisialammut aaqqissuusseqqinnissamat isummat isumaqatigineqarlutik.

Siunnersuummi inatsit atuuttoq pisariunnginnerulersitsilersussaammat aammattaq Ataatsimiititaliamit tamanna nuannarutigineqarpoq.

Suliat amerlasuut qaqqineqarnissaannut perorsaanikkut-tarnip pissusaannut tunngasutigut qitiusumik inerisaavimmik pilersitsisoqarnissanut siunnersuummi § 4-mi Naalakkersuisut peqquneqassasut Ataatsimiititaliamit immikkut maluginiarneqarsimavoq. Aammattaq siunnersuummi § 6 Ataatsimiititaliamit immikkut maluginiarneqarpoq, tamannami kommunalbestyrelse meeqqanut inuusuttunullu pilersaarutitut pingaarnertut akisussaasuuneranik isumaqarmat. Aammalu kommunalbestyrelsi perorsaanermi ukiumut pilersaarusiortassasq peqquneqassamat. Maannakkut kommunit perorsaanikkut ukiumoortumik pilersaarusiornissaannik peqquneqarnissaannut inatsisitigut tunngavissaqalermat Ataatsimiititaliamit pitsaasutut isigineqarpoq.

Ataatsimiititaliamit annertuumik suliaq pissanganartutut isigineqarpoq, nuannaarutigineqassaarluni Naalakkersuisut ataavartumik siunnersuutip atuutsinneqarnissaata tungaanut, assersuutigalugu naliliilluni nalunaarusiortoqarneratigut, Ataatsimiititaliamut ilisimatitsisoqartaraluarpat.

Siunnersuummi suliarinninnermi Ataatsimiititaliamit meeqperivinnut utaqqisoqartarnermut ajornartorsiut eqqartorneqarsimavoq. Ajornartorsiut tamanna ajoraluartumik angajoqqaarpassuarnut piviusuuvoq nutaajunanilu. Ulluunerani meeqqanut suli atualinngitsunut pisariaqartitat malillugit neqeroornissamat akisussaaffik kommuniniittoq Ataatsimiititaliamit ilisimaneqarpoq. Ataatsimiititaliamiilli kaammattuutigineqarpoq, meeqqat qassit utaqqisuniinnersut qanorlu sivilutisumik meeraq utaqqisuniitaarnersoq uppernarsaatitut naatsorneqartalernissaa pillugu Naalakkersuisut kommunit suleqatigiserissagai.

## **Inassuteqaat**

Siunnersuut Inatsisartunut akuerisassanngorlugu Ataatsimiititaliamit isumaqatigiittumit inassutigineqarpoq.

Inatsisartut Kultureqarnermut Ilinniartitaanermullu Ataatsimiititaliaata taamatut oqaaseqarluni siunnersuut aappassaaniigassanngortippaa.

Emilie Olsen  
Atassut

Per Rosing-Petersen

Aleqa Hammond

Siumut

Kuupik Kleist  
Inuit Ataqatigiit

Siumut

Olga Berthelsen  
Inuit Ataqatigiit